

Na osnovu člana 25. Statuta Općine Stari Grad Sarajevo – Prečišćeni tekst („Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj 28.02. 2017. godina, usvojilo je

(Nacrt)

## **PRAVILNIK**

O dodjeli sredstava za start.up biznis.

### Član 1.

( Predmet Pravilnika)

Ovim Pravilnikom o dodjeli sredstava za start up biznis iz sredstava Budžeta Općine Stari Grad Sarajevo (u daljem tekstu: Pravilnik) utvrđuju se ciljevi, ciljna grupa, namjena sredstava, uslovi i postupak dodijele bespovratnih sredstava

### Član 2.

(Cilj Pravilnika)

Osnovni cilj Odluke je poticaj preduzetništvu i samozapošljavanju mladih sa područja općine Stari Grad Sarajevo kroz sufinansiranje troškova pokretanja i razvoja vlastitog biznisa.

### Član 3.

( Izvor sredstava)

(1) Bespovratna sredstva u smislu odredaba ovog Pravilnika, čine planirana budžetska sredstva Općine na godišnjem nivou u 100% iznosu koja su namijenjena razvoju preduzetništva mladih i samozapošljavanju kroz start up biznise.

(2) Dodjela bespovratnih sredstava vršiće se u skladu sa ovim Pravilnikom.

### Član 4.

(Ciljna grupa- korisnici)

Korisnici sredstava iz člana 3. Ovog Pravilnika, mogu biti osobe koje ispunjavaju sljedeće uslove:

- a) Nalaze se na evidenciji nezaposlenih JU Zavod za zapošljavanje Kantona Sarajevo
- b) Imaju prebivalište na području općine Stari Grad Sarajevo najmanje 3 godine u kontinuitetu.
- c) Pripadaju kategoriji mladih starosti do 35 godina,
- d) po odobravanju poslovne ideje će registrovati i razvijati vlastiti biznis na području općine Stari Grad .

Član 5.  
(kriterij za dodjelu sredstava)

Kriteriji za izbor poslovnih projekata su:

- a) održivost poslovne ideje
- b) Inovativnost
- c) kvalitet poslovnog plana
- d) prezentacija poslovne ideje
- e) iznos sredstava potrebnih za realizaciju poslovne ideje
- f) mogućnost dodatnog zapošljavanja

Član 6.  
(Iznos poticaja)

(1) Iznos bespovratnih sredstava po poslovnom planu može iznositi do 33% ukupnog iznosa predviđenog u Budžetu Općine Stari Grad Sarajevo za ovu namjenu.

(2) ukoliko ukupni iznos u budžetu Općine Stari Grad Sarajevo za ovu namjenu prelazi 45.000,00KM, onda je maksimalni iznos bespovratnih sredstava po oslovnom planu 15.000,00KM

Član 7.  
(Javni poziv)

(1) Javni poziv za dodjelu bespovratnih sredstava planiranih Budžetom Općine Stari Grad, na prijedlog Komisije, objavljuje Općinski načelnik u jednom od dnevnih listova na području Bosne i Hercegovine, oglasnoj tabli JU Zavod za zapošljavanje Kantona Sarajevo u Starom Gradu i na web stranici Općine Stari Grad.

(2) Javni poziv ostaje otvoren 60 dana od dana objavljivanja

Član 8.  
(Prijava na javni poziv)

Pismena prijava na javni poziv treba da sadrži sljedeće elemente:

- a) Ovjerenu kopiju lične karte
- b) Uvjerenje o prebivalištu
- c) Potvrda nadležnog biroa za zapošljavanje da se nalazi u evidenciji nezaposlenih
- d) Poslovni plan
- e) Ovjerenu izjavu da će dodijeljena sredstva iskoristiti za nabavku potrebnih sredstava za rad navedenih u poslovnom planu, registrovati i održavati vlastiti biznis; da će se nakon

registrovanja vlastitog biznisa objavitelji sa evidencije nezaposlenih i da se u periodu od najmanje 12 mjeseci neće prijaviti na evidenciju nezaposlenih i da ranije nisu koristili bespovratna sredstva Budžeta Općine Stari Grad namijenjena poticaju zapošljavanja mladih.

#### Član 9.

(Komisija za provođenje postupka dodjele bespovratnih sredstava)

(1) Postupak dodjele bespovratnih sredstava Opštine Stari Grad namijenjenih start up biznise provodi Komisija, koju imenuje Općinski načelnik na period od 12 mjeseci.

(2) Komisiju čini ukupno 7 članova, i to:

- a) Jedan član iz Komisije za privredni razvoj, zanatstvo i turizam i međunarodnu ekonomsku saradnju Općinskog vijeća Stari Grad Sarajevo.
- b) predstavnici Službe za upravu za privredu i finansije (tri predstavnika)
- c) predstavnici privrednog sektora (najmanje dva relevantna preduzetnika)
- d) Jedan vijećnik iz Općinskog vijeća Stari Grad Sarajevo

(3) Komisija na implementaciji ove Odluke radi bez naknade.

#### Član 10.

(Vrednovanje i izbor poslovnih planova)

(1) Komisija razmatra pristigle prijave i vrši izbor najboljih poslovnih planova, shodno kriterijima iz člana 5. Pravilnika, nakon čega poziva na prezentaciju poslovnog plana najbolje ocijenjene kandidate.

(2) Kandidati pred Komisijom predstavljaju svoj poslovni plan kroz power point ili sličan format prezentacije.

(3) Nakon svake pojedinačne prezentacije Komisija obavlja intervju sa kandidatom i sastavlja prijedlog liste poslovnih planova koji će biti finansirani iz granta Općine Stari Grad u skladu sa odobrenim sredstvima u budžetu.

(4) Prijedlog liste iz prethodnog stava Komisija dostavlja Općinskom načelniku na odobravanje.

#### Član 11.

(Potpisivanje ugovora, isplata i pravdanje odobrenih sredstava)

(1) Općinski načelnik i korisnik sredstava zaključuju Ugovor o dodjeli sredstava za start up biznis (u daljem tekstu Ugovor).

(2) Nakon zaključenja ugovora korisniku će biti isplaćena odobrena sredstva u skladu sa poslovnim planom.

(3) Korisnik je obavezan da u roku od 120 dana od dana isplate sredstava dostavi izvještaj o utrošku ukupno dodijeljenih sredstava.

(4) Izvještaj treba da sadrži kopije svih računa i drugih dokaza koji su specificirani u poslovnom planu.

#### **Član 12.**

(Izvještavanje Općinskog vijeća)

Komisija je dužna dostaviti Općinskom načelniku i Općinskom vijeću informaciju o namjenskom utrošku sredstava i realizaciji poslovnih planova korisnika sredstava u skladu sa odredbama ovog Pravilnika.

#### **Član 13.**

(Stupanje na snagu)

Odluka stupa na snagu osmi dan od dana objavljivanja u Službenim novinama Kantona Sarajevo

**PREDSJEDAVAJUĆI  
OPĆINSKOG VIJEĆA STARI GRAD  
SARAJEVO**

Mr.sci. Jusuf Pušina

**OBRAZLOŽENJE**

## **I- PRAVNI OSNOV**

Pravni osnov za donošenje Pravilnika sadržan je u preambuli teksta. Općina Stari Grad Sarajevo u skladu sa Zakonom o principima lokalne samouprave FBiH i Statutom Općine Stari Grad Sarajevo nadležna je za provođenje projekata koji za cilj imaju poboljšanje životnog standarda mladih osozapošljavanje mladih osoba i stvaranje povoljnih uslova za razvijanje privrede.

Također u skladu sa Budžetom Općine Stari Grad Sarajevo za 2017.godinu predviđena su sredstva za ovu namjenu u iznosu od 15.000,00KM

## **II- RAZLOZI DONOŠENJA**

Cilj donošenja ove mjere jeste pomoć mladima u našoj općini putem samozapošljavanja, kao i podrška privrednicima u Općini Stari Grad Sarajevo.

Podrška Start up biznisima u Evropi i svijetu je dala pozitivne efekte kada je u pitanju zapošljavanje mladih ljudi i stvaranje povoljnije poslovne klime, također pozitivan primjer u BiH je svakako Općina Centar Sarajevo koja ovu mjeru provodi niz godina i koja je dala rezultate.

## **III- OBJAŠNJENJE POJEDINIH ODREDBI**

Ovim Pravilnikom se reguliše način dodjele bespovratnih sredstava kao i sama svrha i cilj dodjele tih sredstava mladim osobama.

Sredstva za provođenje ovog pravilnika se predvišaju Budžetom Općine Stari Grad Sarajevo. Jedna poslovna ideja može dobiti najviše 33% ukupnog budžeta predviđenog za tu namjenu, u praksi to znači da u 2017.godini jedan projekat može dobiti najviše 5000,00KM. Ukoliko se sredstva u narednim godinama povećaju iznad 45.000,00KM maksimalno ograničenje po jednom poslovnom planu će iznositi 15.000.00KM.

Korisnici sredstava za ovu namjenu mogu biti mlade osobe iz Općine Stari Grad Sarajevo koje su nezaposlene i imaju prebivalište u našoj općini najmanje 3 godine u kontinuitetu.

Pravilnikom je propisani kriteriji za bodovanje poslovnih ideja kao i potrebna dokumentacija za prijavu, nakon završetka javne rasprave o tekstu Pravilnika će biti dostavljeni i popratni akti za realizaciju ovog Pravilnika.

Komisiju za provođenje procedure dodjele bespovratnih sredstava samostalno imenuje načelnik uz poštivanje strukture članova komisije propisanih Pravilnikom.

Pravilnikom je propisan i način bodovanja projekata, kao i obaveza potpisivanja Ugovora između korisnika sredstava i Općine Stari Grad Sarajevo koji se potpisuju tek nakon odobrenja Načelnika.

## **IV- POTREBNA FINACIJSKA SREDSTVA**

Sredstva za realizaciju ovog Pravilnika su planirana u budžetu Općine Stari Grad Sarajevo za 2017.godinu.

Predlagač  
Anisa Bašović- Klub SDP BiH